



অবিলম্বে প্রকাশের উদ্দেশ্যে: 2/3/2023

গভর্নর ক্যাথি হোকল

লং আইল্যান্ড বিশ্ববিদ্যালয়ের 26 মিলিয়ন ডলারের কলেজ অব ভেটেরিনারি মেডিসিন লার্নিং সেন্টার উদ্বোধন সম্পর্কে গভর্নর হোকলের ঘোষণা

12.75 মিলিয়ন ডলারের স্টেট তহবিল ভেটেরিনারিয়ানদের ভবিষ্যত প্রজন্মকে সহায়তা করছে

এই সর্বাধুনিক ফ্যাসিলিটি এই অঞ্চলে দক্ষ পেশাজীবী, নতুন চাকরির সুযোগ, এবং অর্থনৈতিক প্রবৃদ্ধিকে আকৃষ্ট করবে

লার্নিং সেন্টারটি কলেজ অব ভেটেরিনারি মেডিসিনের একটি নোঙ্গর হিসেবে ভূমিকা পালন করছে

লং আইল্যান্ড বিশ্ববিদ্যালয়ের কলেজ অব ভেটেরিনারি মেডিসিন নর্থইস্টের মাত্র চারটি ভেটেরিনারি প্রোগ্রামের মধ্যে একটি

গভর্নর ক্যাথি হোকল আজ নাসাউ কাউন্টির ব্রুকভিলে অবস্থিত লং আইল্যান্ড বিশ্ববিদ্যালয়ের পোস্ট ক্যাম্পাসে লং আইল্যান্ড বিশ্ববিদ্যালয়ের (Long Island University) কলেজ অব ভেটেরিনারি মেডিসিন লার্নিং সেন্টার (College of Veterinary Medicine Learning Center) উদ্বোধনের কথা ঘোষণা করেছেন। কলেজ অব ভেটেরিনারি মেডিসিন প্রতিষ্ঠা করার জন্য লং আইল্যান্ড বিশ্ববিদ্যালয় 53 মিলিয়ন ডলার বিনিয়োগ করেছে, যার মধ্যে 26 মিলিয়ন ডলারের নতুন ভেটেরিনারি লার্নিং সেন্টারের আজকের ঘোষণা অন্তর্ভুক্ত রয়েছে। সর্বাধুনিক সুবিধাসম্পন্ন, 33,100 বর্গফুট আয়তনের এই ফ্যাসিলিটি কলেজ অব ভেটেরিনারি মেডিসিনের নোঙ্গর হিসেবে কাজ করছে এবং ডক্টর অব ভেটেরিনারি মেডিসিন প্রোগ্রামে ভর্তি হওয়া শিক্ষার্থীদেরকে চার বছর মেয়াদী একটি প্রোগ্রামের মাধ্যমে একটি সমন্বিত শিক্ষা ও বাস্তব-জগতের দক্ষতা প্রদান করার মাধ্যমে প্রস্তুত করে তুলবে। নিউ ইয়র্ক স্টেটের 12.75 মিলিয়ন ডলারের তহবিলের সহায়তায়, কলেজ অব ভেটেরিনারি মেডিসিন হচ্ছে নিউ ইয়র্ক মেট্রোপলিটন এলাকায় আমেরিকান ভেটেরিনারি মেডিকেল অ্যাসোসিয়েশন কাউন্সিল অন এডুকেশন (American Veterinary Medical Association Council on Education) কর্তৃক স্বীকৃতিপ্রাপ্ত একমাত্র ভেটেরিনারি প্রোগ্রাম এবং যুক্তরাষ্ট্রের উত্তরপূর্ব অংশের মাত্র চারটি ভেটেরিনারি স্কুলের মধ্যে একটি।

"লং আইল্যান্ড বিশ্ববিদ্যালয়ের কলেজ অব ভেটেরিনারি মেডিসিনে নিউ ইয়র্ক স্টেটের বিনিয়োগ সর্বাধুনিক ভেটেরিনারি সার্ভিসের ক্রমবর্ধমান চাহিদা পূরণ করা এবং নিউ ইয়র্কবাসীরা যাতে নিজেদের পছন্দের ক্যারিয়ার বেছে নেওয়ার জন্য প্রয়োজনীয় শিক্ষা ও প্রশিক্ষণের অ্যাক্সেস পেতে পারেন সে বিষয়টি নিশ্চিত করার জন্য আমাদের অঙ্গীকারাবদ্ধতাকে বিশেষভাবে তুলে ধরছে," বলেছেন গভর্নর হোকল। "এসব নতুন ফ্যাসিলিটি সর্বাধুনিক প্রযুক্তিতে সজ্জিত হয়ে এবং অভিজ্ঞ শিক্ষকদের পরিচালনায় শিক্ষার্থীদেরকে দক্ষ ও সহানুভূতিসম্পন্ন ভেটেরিনারি পেশাজীবী হয়ে উঠার জন্য প্রয়োজনীয় ব্যবহারিক অভিজ্ঞতা প্রদান করবে, যারা প্রাণীদের স্বাস্থ্য সুরক্ষিত রাখতে এবং পরিবেশ সংরক্ষণ করতে পারবে।"

ভেটেরিনারি প্রোগ্রামগুলোতে প্রদান করা শিক্ষা ও প্রশিক্ষণ প্রাণীদের সেবা এবং জনস্বাস্থ্য খাতে উচ্চ-দক্ষতাসম্পন্ন পেশাজীবী তৈরি করার জন্য ভিত্তি হিসেবে কাজ করছে। এই লার্নিং সেন্টার ক্লিনিক্যাল রোটেশন ও ইন্টার্নশিপের মাধ্যমে হাতে-কলমে শেখার অভিজ্ঞতা প্রদান করছে, যা শিক্ষার্থীদেরকে বিভিন্ন পরিবেশে ব্যবহারিক দক্ষতা ও জ্ঞান অর্জন করার সুযোগ করে দিচ্ছে। এই ফ্যাসিলিটিতে রয়েছে বিশাল লেকচার থিয়েটার, শ্রেণিকক্ষ, ক্লিনিক্যাল দক্ষতার গবেষণাগার, সেমিনার রুম, এবং এক্সামিনেশন রুম, সার্জিক্যাল সুইট, এবং একটি মেডিকেল ইমেজিং সেন্টার সহ একটি ছোট অ্যানিমেলেট সিমুলেশন সুইট নিয়ে গঠিত শিক্ষার্থী ও ফ্যাকাল্টিদের জন্য সর্বাধুনিক রিসার্চ ল্যাবরেটরির জায়গা। শিক্ষার্থীরা 75টিরও বেশি অ্যাফিলিয়েটের সঙ্গে বহিরাগত অংশীদারিত্বের মাধ্যমে সার্জারি, ডায়াগনস্টিক সাপোর্ট, ইনটেনসিভ কেয়ার, এবং ভেটেরিনারি প্র্যাকটিসের জন্য গুরুত্বপূর্ণ অন্যান্য ক্ষেত্রে বাস্তব-জগতের অভিজ্ঞতা অর্জন করবে, যেগুলোর মধ্যে প্রাথমিক সেবা ও বিশেষায়িত সেবার ক্লিনিক, চিড়িয়াখানা, রিসার্চ ল্যাবরেটরি, আশ্রয়কেন্দ্র, ভেটেরিনারি শিল্পখাতের নেতৃত্বস্থানীয় ব্যক্তি, এবং অন্যান্য বিশ্ববিদ্যালয় অন্তর্ভুক্ত রয়েছে।

ভেটেরিনারি পেশাজীবীরা কৃষি খাতে একটি অত্যন্ত গুরুত্বপূর্ণ ভূমিকা পালন করেন, যে খাতটি অর্থনীতিতে বৃহৎ অবদান রাখে। লং আইল্যান্ড বিশ্ববিদ্যালয়ে (LIU) ভেটেরিনারি প্রোগ্রামের উপস্থিতি দক্ষ পেশাজীবীদেরকে আকৃষ্ট করবে, নতুন কর্মসংস্থানের সুযোগ এবং অর্থনৈতিক প্রবৃদ্ধি নিয়ে আসবে। এই প্রোগ্রামে নিউ ইয়র্ক স্টেটের বিনিয়োগ এই খাতের ক্রমবর্ধমান চাহিদা পূরণের জন্য ভেটেরিনারি পেশাজীবী বৃদ্ধিতেও সহায়তা করছে। এই প্রোগ্রামের গ্র্যাজুয়েটরা প্র্যাকটিস করার জন্য প্রস্তুত ভেটেরিনারিয়ান হিসেবে কর্মীদলে যোগ দেওয়ার জন্য অথবা নিজেদের পছন্দের কোনো খাতে উন্নত বিশেষায়িত শিক্ষা অর্জনে সচেষ্ট হওয়ার জন্য ভালোভাবে প্রস্তুত থাকবেন। এই ফ্যাসিলিটির সর্বাধুনিক প্রযুক্তির পাশাপাশি অভিজ্ঞ ফ্যাকাল্টি ও বাস্তবিক অভিজ্ঞতা শিক্ষার্থীদেরকে বাস্তব-জগতের ভেটেরিনারি মেডিসিনের জন্য প্রস্তুত করে তুলছে, যেটি ক্রমশ পরিবর্তনশীল একটি খাত যেখানে সর্বাধুনিক প্রযুক্তি ও জ্ঞান থাকার প্রয়োজন হয়। এই কর্মসূচি বর্তমানে এটির তৃতীয় বছরে রয়েছে এবং এখন পর্যন্ত আনুমানিক 300 শিক্ষার্থীকে ভর্তি করেছে যা 2023-24 একাডেমিক বর্ষে বৃদ্ধি পেয়ে 450 জন ভেটেরিনারি ও গ্র্যাজুয়েট শিক্ষার্থীতে পৌঁছাবে বলে প্রত্যাশা করা হচ্ছে।

এম্পায়ার স্টেট ডেভেলপমেন্টের (Empire State Development) প্রেসিডেন্ট, CEO ও কমিশনার হোপ নাইট বলেন, "LIU-এর কলেজ অব ভেটেরিনারি মেডিসিন প্রাণীদের জন্য ইতিবাচক পরিবর্তন নিয়ে আসার জন্য এবং আমাদের কমিউনিটিগুলোর স্বাস্থ্য ও সমৃদ্ধি উন্নত

করার জন্য শিক্ষা ও গবেষণা কিভাবে সম্মিলিত ভূমিকা পালন করতে পারে তার একটি দৃষ্টান্ত হয়ে দাঁড়িয়েছে। উদ্ভাবন ও শিক্ষার ক্ষেত্রে নিউ ইয়র্কের কৌশলগত বিনিয়োগ ভেটেরিনারি লার্নিং সেন্টারের সর্বাধুনিক পাঠ্যক্রম, গবেষণা, ও কমিউনিটি অংশীদারিত্বগুলোর মধ্য দিয়ে স্পষ্ট হয়ে উঠেছে যা শিক্ষার্থীদেরকে ভেটেরিনারি মেডিসিন খাতে পরিবর্তনের রূপকারে রূপান্তর করার জন্য একসঙ্গে কাজ করবে।"

এম্পায়ার স্টেট ডেভেলপমেন্ট বোর্ডের (Empire State Development Board) সভাপতি কেভিন ল বলেন, "উত্তরপূর্ব যুক্তরাষ্ট্রের মাত্র চারটি ভেটেরিনারি স্কুলের মধ্যে একটি হিসেবে, এই ভেটেরিনারি লার্নিং সেন্টার ভেটেরিনারি ওষুধের ভবিষ্যতের জন্য একটি যুগান্তকারী ভূমিকা পালন করবে। হাতে-কলমে শেখা এবং বাস্তব-জগতের অভিজ্ঞতা অর্জনের প্রতি জোর দেওয়ার মাধ্যমে, শিক্ষার প্রতি এটির গ্রহণ করা উদ্ভাবনমূলক পদক্ষেপের মধ্য দিয়ে শিক্ষার্থীরা এই খাতে উৎকর্ষ অর্জনের জন্য অপরিহার্য দক্ষতা ও জ্ঞান অর্জন করেছে। ভেটেরিনারি মেডিসিন খাতকে এগিয়ে নিয়ে যাওয়া এবং সবার সুস্থতা উন্নত করার জন্য এটির অঙ্গীকারাবদ্ধতার জন্য লং আইল্যান্ড বিশ্ববিদ্যালয়কে অভিনন্দন।"

স্টেট সিনেটর মনিকা আর. মার্টিনেজ বলেন, "দীর্ঘদিনের পশুপ্রেমী এবং অ্যাডভোকেট হিসেবে, আমি উচ্ছসিত যে নিউ ইয়র্ক স্টেটের সহায়তায় এই সর্বাধুনিক ঠিকানায় লং আইল্যান্ড এটির প্রথম কলেজ অব ভেটেরিনারি মেডিসিন পেয়েছে। আমি আনন্দিত যে LIU-এর প্রোগ্রামটি ব্যাবিলন টাউনের পশু আশ্রয়কেন্দ্রের মতো বিদ্যমান সেবা প্রদানকারীদের সঙ্গে অংশীদারিত্ব এবং বাস্তব-জীবনের শিক্ষার উপর ভিত্তি করে গড়ে উঠেছে।"

অ্যাসেসব্লি সদস্য চার্লস লেভিন বলেন, "ইতোমধ্যে ভেটেরিনারি মেডিসিন খাতে জাতীয় নেতৃত্বের স্থান দখল করে নেওয়া এই লার্নিং সেন্টার শিক্ষার্থীদের জন্য আরো বেশি সংস্থান প্রদান করবে এবং LIU পোস্টের ক্রমবর্ধমান ক্যাম্পাসের একটি চমৎকার সংযোজন হয়ে উঠবে।"

ওয়েস্টার বে টাউনের সুপারভাইজার জোসেফ সালাডিনো বলেন, "আমি অত্যন্ত গর্বিত যে ওয়েস্টার বে টাউন লং আইল্যান্ড বিশ্ববিদ্যালয়ের ঠিকানা হতে পেরেছে, যেটি আমাদের কমিউনিটিতে এবং এর গণ্ডি পেরিয়ে একাডেমিক উৎকর্ষতা ও বিশ্ব-মানের গবেষণার জন্য সুনাম অর্জন করেছে। তিন বছর আগে চালু হওয়ার পর থেকে, কলেজ অব ভেটেরিনারি মেডিসিন উত্তরপূর্ব অঞ্চলের মাত্র চারটি ভেটেরিনারি প্রোগ্রামের একটি হিসেবে একটি অসাধারণ সম্পদে পরিণত হয়েছে। এই নতুন লার্নিং সেন্টারটি প্রতিষ্ঠা করার মাধ্যমে ভেটেরিনারি মেডিসিনের পরবর্তী প্রজন্মের নেতৃস্থানীয়দের উপর তাদের বিনিয়োগের জন্য আমি LIU এবং নিউ ইয়র্ক স্টেটকে ধন্যবাদ জানাই এবং এটির সাড়ম্বর উদ্বোধনের জন্য আপনাদের সঙ্গে যোগ দিচ্ছি।"

ব্রুকভিল ভিলেজের মেয়র ড্যানিয়েল সেরোটা বলেন, "লং আইল্যান্ড বিশ্ববিদ্যালয় লং আইল্যান্ডের উত্তর তীরের একটি অন্যতম রত্ন। ভেটেরিনারি স্কুল যোগ হওয়ার মধ্য দিয়ে আমরা এখন আমাদের মুকুটে একটি হীরা পেয়েছি।"

লং আইল্যান্ড বিশ্ববিদ্যালয়ের প্রেসিডেন্ট ড. কিম্বারলি আর. ক্লাইন বলেন, "লং আইল্যান্ডের বিশ্বমানের লাইফ সায়েন্স করিডরের অংশ হিসেবে একটি শীর্ষ একাডেমিক ও গবেষণা ফ্যাসিলিটি হিসেবে লং আইল্যান্ড বিশ্ববিদ্যালয়ের অগ্রগতির ক্ষেত্রে কলেজ অব ভেটেরিনারি মেডিসিন একটি চালিকাশক্তি হিসেবে কাজ করে আসছে, এবং গভর্নর হোকল ও এম্পায়ার স্টেট ডেভেলপমেন্টের জোরালো সমর্থন ছাড়া এটি সম্ভব হতো না। আমরা আমাদের নতুন কলেজ অব ভেটেরিনারি মেডিসিন ফ্যাসিলিটি এবং সংযুক্ত ক্লিনিক্যাল ও গবেষণা অভিজ্ঞতা নিয়ে অত্যন্ত গর্বিত যা শিক্ষার্থীদেরকে ভেটেরিনারি মেডিসিন খাতের নেতৃস্থানীয় ব্যক্তি হয়ে উঠার ক্ষেত্রে উল্লেখযোগ্য সুযোগ-সুবিধা প্রদান করছে।"

লং আইল্যান্ড আঞ্চলিক অর্থনৈতিক উন্নয়ন কাউন্সিলের (Long Island Regional Economic Development Council) সহ-সভাপতি লিন্ডা আরমিন, বেথপেজ ফেডারেল ক্রেডিট ইউনিয়নের (Bethpage Federal Credit Union) চিফ স্ট্র্যাটেজি এন্ড মার্কেটিং অফিসার এবং ফার্মিংডেল স্টেট কলেজের (Farmingdale State College) প্রেসিডেন্ট ড. জন নাদের বলেন, "21 শতকের উপযোগী ফ্যাসিলিটি ও শীর্ষমানের শিক্ষকদের ঠিকানা এই LIU কলেজ অব ভেটেরিনারি মেডিসিন ক্যাম্পাসে নিউ ইয়র্ক স্টেটের বিনিয়োগ একটি দূরদৃষ্টিসম্পন্ন সিদ্ধান্ত যা আমাদের সমাজ ও অর্থনীতির জন্য স্থায়ী সুফল বয়ে আনবে। ভেটেরিনারি সার্ভিসের চাহিদা ক্রমশ বৃদ্ধি পাওয়ার সঙ্গে সঙ্গে, ভবিষ্যত প্রজন্মের পেশাজীবীদেরকে সহানুভূতিসম্পন্ন ভেটেরিনারি প্র্যাকটিশনার হিসেবে সফলতা অর্জনের জন্য প্রয়োজনীয় শিক্ষা ও প্রশিক্ষণ অর্জনের সুযোগ প্রদান করা অপরিহার্য।"

###

আরো সংবাদ পাওয়া যাবে এখানে www.governor.ny.gov-এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418